



ABS banka promijenila ime u Sparkasse Bank d.d.

ABS banka, čiji je gotovo stopostotni vlasnik austrijska Steiermarkische Sparkasse, ubuduće će poslovati pod novim nazivom – Sparkasse Bank d.d.

Ova finansijska institucija prisutna je na tržištu Bosne i Hercegovine već deset godina, a od 2007. godine i kao članica austrijske grupacije Steiermarkische Sparkasse.

U BiH ova banka upošljava 420 djelatnika u više od 50 poslovnica i nudi sve vrste konvencionalnih i modernih bankarskih usluga.

U Sarajevu je 13. jula 2009. godine predstavljen novi naziv i logo, te poslovna strategija banke, a prema prezentiranim pokazateljima, Steiermarkische Sparkasse je dosad u BiH investirala 150 miliona maraka, te stavila na raspolaganje 275 miliona maraka likvidnih sredstava za plasiranje kredita.

Ured FBA za informisanje